

საქართველოს ნავთობისა და გაზის კორპორაცია (სნგკ)



საკონკურსო განცხადება

სს „საქართველოს ნავთობისა და გაზის კორპორაციის“ ადმინისტრაციული შენობის მისაღები
ოთახის დიზაინისა და საპროექტო-სახარჯთაღრიცხვო დოკუმენტაციის
შედგენის მომსახურების შესყიდვაზე

CPV 71240000

სარჩევი

ინფორმაცია კონკურსში მონაწილეთათვის და კონკურსის პირობები.....	3
ხელშეკრულების პროექტი.....	5
დანართი №1 - საკონკურსო წინადადება.....	8
დანართი №2 - ტექნიკური დავალება.....	9
დანართი №3 - ინფორმაცია გამოცდილების შესახებ.....	10
დანართი №4 - რეკვიზიტების ფორმა.....	11

სს „საქართველოს ნავთობისა და გაზის კორპორაცია“ აცხადებს კონკურსს ადმინისტრაციული შენობის მისაღები ოთახის დიზაინისა და საპროექტო-სახარჯთაღრიცხვო დოკუმენტაციის შედგენის მომსახურების შესყიდვაზე

1. შესყიდვის ობიექტი: შესყიდვის ობიექტი განისაზღვრება საკონკურსო განცხადების დანართ №2-ში (ტექნიკური დავალება) მოცემული პირობების შესაბამისად (შემდგომში - მომსახურება).

2. შესყიდვის ობიექტის საგარეულო ღირებულება: 3177,00 (სამი ათას ასსამოცდაჩვიდმეტი) ლარი, დღგ-ს გარეშე.

შენიშვნა:

იმ შემთხვევაში, თუ საკონკურსო განცხადებით გათვალისწინებულია წინადადების ფასის დღგ-ის გარეშე წარდგენა, კონკურსანტი წინადადების ფასში არ ითვალისწინებს დღგ-ს, მიუხედავად იმისა, არის თუ არა იგი დღგ-ის გადამხდელი საქართველოს კანონმდებლობის შესაბამისად. შემსყიდველი ორგანიზაცია ვალდებულია ხელშეკრულების ღირებულებაში გაითვალისწინოს საკონკურსო წინადადების ფასის შესაბამისი დღგ-ის ოდენობა, თუ ხელშეკრულების დადების მომენტისთვის კონკურსანტი არის დღგ-ის გადამხდელი საქართველოს კანონმდებლობის მოთხოვნათა შესაბამისად.

3. დაფინანსების წყარო: სს „საქართველოს ნავთობისა და გაზის კორპორაციის“ 2014 წლის საკუთარი სახსრები.

4. შესყიდვის ობიექტის მიწოდების ვადა: ხელშეკრულების გაფორმებიდან შემსყიდველთან შეთანხმებულ გონივრულ ვადაში.

5. კონკურსში მონაწილეობის მიღების უფლება აქვს პირს, რომელმაც კანონმდებლობით დადგენილი წესით, „სახელმწიფო შესყიდვების შესახებ“ საქართველოს კანონის 19¹ მუხლის პირველი პუნქტის საფუძველზე სახელმწიფო შესყიდვების სააგენტოს ანგარიშზე, რომელიც მითითებულია სააგენტოს ოფიციალურ ვებგვერდზე (http://procurement.gov.ge/files/data/geo/about_agency/spa_bank_account.pdf), გადაიხადა კონკურსში მონაწილეობის საფასური 50,00 (ორმოცდაათი) ლარის ოდენობით და წარმოადგენს საკონკურსო წინადადებას.

საფასურის გადახდის დამადასტურებელ დოკუმენტში მითითებული უნდა იყოს:

- ა) გადახდის დამადასტურებელი დოკუმენტის უნიკალური ნომერი და გადახდის თარიღი;
- ბ) შემსყიდველი ორგანიზაციის დასახელება და საიდენტიფიკაციო კოდი;
- გ) კონკურსანტის დასახელება და საიდენტიფიკაციო კოდი;
- დ) საკონკურსო განცხადების სააგენტოს ოფიციალურ ვებგვერდზე გამოქვეყნების შედეგად განცხადებისთვის მინიჭებული უნიკალური ნომერი.

6. კონკურსის ჩატარების პირობები:

6.1. კონკურსანტი ვალდებულია შემსყიდველ ორგანიზაციას წარუდგინოს:

6.1.1. კონკურსში მონაწილეობის საფასურის გადახდის დამადასტურებელი დოკუმენტი (საკონკურსო წინადადება, რომელიც არ შეიცავს კონკურსში მონაწილეობის საფასურის გადახდის დამადასტურებელ შესაბამის დოკუმენტს, არ განიხილება);

6.1.2. კონკურსანტის რეკვიზიტები (იხ. დანართი №4);

6.1.3. საკონკურსო წინადადების ფასი, დღგ-ს გარეშე (იხ. დანართი №1);

6.1.4. კონკურსანტის პროფესიული გამოცდილება (მსგავსი სახის პროექტებში მონაწილეობა, თანავტორობა და ა.შ.) შესაბამისი პროექტების ჩამონათვალითა და მასში საკუთარი სტატუსის მითითებით (იხ. დანართი №3);

6.1.5. დიზაინის საორიენტაციო ესკიზის შესაფასებლად:

- ინტერიერის ესკიზი (ვიზუალიზაცია 3D-ში რეალური ფერებით და მასალებით);
- ნახაზები ალბომის სახით (სრული ნახაზები - ელექტრობა, გათბობა, იატაკი, ჭერი ავეჯი და ა.შ.);
- ტიხრების გეგმარება (ავეჯის ჩვენებით, ორგანზომილებიანი);
- ჩასატარებელი სამუშაოების ხარჯთაღრიცხვა.

6.2. წარმოსადგენი საკონკურსო წინადადება, სავალდებულო მასალები და ინფორმაცია შედგენილი უნდა იყოს ქართულ ენაზე და წარმოდგენილი ერთ დახურულ კონვერტში. კონვერტს თან უნდა ახლდეს კონკურსში მონაწილეობის საფასურის დამადასტურებელ დოკუმენტი.

- 6.3. საკონკურსო დოკუმენტაცია წარმოდგენილი უნდა იყოს ალბომის სახით ნაბეჭდი ვერსია A4 ფორმატზე, 3 ეგზემპლარად; CD-ვერსია PDF- ფორმატში - 3 ეგზემპლარად.
- 6.4. დაინტერესებულმა პირებმა საკონკურსო წინადადება უნდა წარმოადგინონ 2014 წლის 30-31 ივლისი 10:00 სთ-დან 16:30 სთ-მდე, შემდეგ მისამართზე: ქ. თბილისი, კახეთის გზატკეცილი #21, სს „საქართველოს ნავთობისა და გაზის კორპორაციის“ ადმინისტრაციული შენობა, ოთახი #219;
- 6.5. საკონკურსო წინადადებები გაიხსნება 2014 წლის 31 ივლისს 17:00 საათზე, შემდეგ მისამართზე: ქ. თბილისი, კახეთის გზატკეცილი #21, სს „საქართველოს ნავთობისა და გაზის კორპორაციის“ ადმინისტრაციული შენობა, სათათბირო ოთახი (II სართული). კონკურსანტებს სურვილისამებრ შეუძლიათ დაესწონ საკონკურსო წინადადებების გახსნას.
- 6.6. დაგვიანებით წარმოდგენილი საკონკურსო წინადადება არ განიხილება და დაუბრუნდება კონკურსანტს.
- 6.7. წარმოდგენილი საკონკურსო წინადადება მოქმედებს კონკურსში გამარჯვებულ კონკურსანტთან ხელშეკრულების დადებამდე.

7. ანგარიშსწორების პირობები

- 7.1. ანგარიშსწორება “მიმწოდებელთან” წარმოებს უნაღდო ანგარიშსწორების ფორმით, ლარში, ფაქტიურად მიწოდებული მომსახურების შესაბამისად, მიმწოდებლის მიერ დანართი №2-ით განსაზღვრული მომსახურების პირველი ეტაპის სრულად გაწევისა და ხელშეკრულებით გათვალისწინებული დოკუმენტაციის წარმოდგენიდან არაუადრეს 8 და არაუგვიანეს 10 სამუშაო დღის ვადაში.
- 7.2. წინასწარი გადახდის მექანიზმი არ გამოიყენება.

8. საკონკურსო წინადადების შეფასებისა და გამარჯვებული კონკურსანტის გამოვლენა

- 8.1. შემსყიდველი ორგანიზაცია საკონკურსო წინადადებების შეფასებასა და გამარჯვებული კონკურსანტის გამოვლენას ახდენს საკონკურსო კომისიის მეშვეობით, კომისიის წევრთა სიითი შემადგენლობის უმრავლესობით.
- 8.2. შეფასების ძირითადი კრიტერიუმი:
- დიზაინი და საორიენტაციო ესკიზი : კოეფიციენტი - 1,0
- 8.3. შეფასება განხორციელდება 10 ქულიანი სისტემით, კონკურსანტი გამარჯვებულად ჩაითვლება, თუ მას საკონკურსო კომისიის წევრთა მიერ მიენიჭება ყველაზე მაღალი ჯამური ქულა. ქულათა თანაბრად განაწილების შემთხვევაში გადამწყვეტია საკონკურსო კომისიის თავმჯდომარის მიერ მინიჭებული ქულა.

9. საკონტაქტო ინფორმაცია

საკონკურსო დოკუმენტაციასთან დაკავშირებული განმარტებების მიღება პრეტენდენტს შეუძლია საკონკურსო კომისიის აპარატში, ქ. თბილისი, კახეთის გზატკეცილი #21, მე-2 სართული, ოთახი 219, საკონტაქტო პირები: ტელ.: +995 (32) 224-40-40, საკონკურსო დოკუმენტაციასთან დაკავშირებულ საკითხებზე - ჯაბა გურასპიშვილი (შიდა - 220), ტექნიკურ საკითხებზე - ირაკლი ნიკოლაიშვილი (შიდა - 115).

ერთის მხრივ, სს „საქართველოს ნავთობისა და გაზის კორპორაცია“ (შემდგომში - „შემსყიდველი“), წარმოდგენილი დირექტორის ფინანსურ საკითხებში დავით ვარდიაშვილის სახით, რომელიც მოქმედებს სს „საქართველოს ნავთობისა და გაზის კორპორაციის“ გენერალური დირექტორის – დავით თვალაბიშვილის მიერ 2014 წლის 14 თებერვალს გაცემული და ნოტარიუს ნაწი სიდამონიძის მიერ დამოწმებული მინდობილობის საფუძველზე (სანოტარო მოქმედების რეგისტრაციის №140131453), და

მეორეს მხრივ, ----- (შემდგომში „მიმწოდებელი“) წარმოდგენილი დირექტორის ----- სახით, იმ გარემოებიდან გამომდინარე, რომ 2013 წლის ----- შემსყიდველის მიერ „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „რ“ ქვეპუნქტის შესაბამისად გამოცხადებულ ტენდერში SPA----- გამარჯვებულად გამოცხადდა შპს „-----“ ფასით - (-----) ლარი დღგ-ს გარეშე, ვთანხმდებით შემდეგზე:

1. ხელშეკრულების საგანი

1.1. წინამდებარე ხელშეკრულების საგანია დანართი N1-ში მითითებული მომსახურების (შემდეგში - „მომსახურების“) გაწევა.

1.2. „მომსახურების“ ჩამონათვალი, მახასიათებლები, ვადები და ფასი ერთეულის მიხედვით მოცემულია წინამდებარე ხელშეკრულების დანართ №1-ში და №2-ში, რომელიც თან ერთვის ხელშეკრულებას და წარმოადგენს მის განუყოფელ ნაწილს.

2. მხარეთა უფლება-მოვალეობები

2.1. „შემსყიდველი“ ვალდებულია, უზრუნველყოს შესაბამისი ანგარიშსწორება ხელშეკრულებით გათვალისწინებული პირობებითა და ოდენობით;

2.2. „შემსყიდველი“ უფლებამოსილია მოსთხოვოს „მიმწოდებელს“ ხელშეკრულებით ნაკისრი ვალდებულებების დროულად და სრულად შესრულება.

2.3. „მიმწოდებელი“ ვალდებულია, კეთილსინდისიერად, ხარისხიანად და დროულად შეასრულოს მასზე ამ ხელშეკრულებით დაკისრებული მოვალეობები;

2.4. „მიმწოდებელი“ უფლებამოსილია, მოსთხოვოს „შემსყიდველს“ ხელშეკრულებით ნაკისრი ვალდებულებების დროულად და სრულად შესრულება.

3. „მომსახურების“ გაწევის წესი, მიღება-ჩაბარების წესი და ანგარიშსწორების პირობები

3.1. „მიმწოდებელი“ ვალდებულია გაუწიოს „შემსყიდველს“ წინამდებარე ხელშეკრულებით გათვალისწინებული „მომსახურება“ ხელშეკრულების გაფორმებიდან ----- კალენდარული დღის ვადაში.

3.2. „მომსახურების“ დასრულებისთანავე „მიმწოდებელს“ და „შემსყიდველს“ შორის ფორმდება მიღება-ჩაბარების აქტი, რომელსაც ხელს აწერენ მხარეთა მიერ უფლებამოსილი პირები.

3.3. წინამდებარე ხელშეკრულებით განსაზღვრული „მომსახურების“ საერთო ღირებულება შეადგენს -----) ლარს დღგ-ს გარეშე. თუ ხელშეკრულების დადების მომენტისთვის მიმწოდებელი არის დღგ-ის გადამხდელი საქართველოს კანონმდებლობის მოთხოვნათა შესაბამისად, შესაბამისი საგადასახადო ანგარიშ-ფაქტურის წარმოდგენის შემთხვევაში მას აუნაზღაურდება დღგ-ს განაკვეთი ----- (-----) ლარის ოდენობით.

3.4. ანგარიშსწორების განსახორციელებლად „მიმწოდებელმა“ უნდა წარმოადგინოს შემდეგი დოკუმენტები:

ბ) საგადასახადო ანგარიშ-ფაქტურა (იხ. წინამდებარე ხელშეკრულების პუნქტი 3.3)

ბ) მიღება-ჩაბარების აქტი.

3.5. ანგარიშსწორება „მიმწოდებელთან“ წარმოებს უნაღდო ანგარიშსწორების ფორმით, ლარში, ფაქტიურად მიწოდებული მომსახურების შესაბამისად, მიმწოდებლის მიერ დანართი №2-ით განსაზღვრული მომსახურების პირველი ეტაპის სრულად გაწევისა და 3.4. პუნქტით გათვალისწინებული დოკუმენტაციის წარმოდგენიდან არაუადრეს 8 და არაუგვიანეს 10 სამუშაო დღის ვადაში.

4. „მომსახურების“ ხარისხი

4.1. „მიმწოდებელი“ იღებს ვალდებულებას, რომ გაწეული მომსახურების ხარისხი უპასუხებს ხელშეკრულებით გათვალისწინებულ პირობებს და დააკმაყოფილებს „შემსყიდველის“ მოთხოვნებს წინამდებარე ხელშეკრულების დანართი №2-ით გათვალისწინებულ ფარგლებში;

4.2 შესყიდვის ობიექტის ხარისხი უნდა შეესაბამებოდეს ამ სფეროში არსებულ სტანდარტებს და ტექნიკურ ნორმებს.

5. გარანტია, პასუხისმგებლობა და ხელშეკრულების პირობების შეუსრულებლობა

5.1. „მიმწოდებელი“ იძლევა გარანტიას, რომ მის მიერ გაწეული „მომსახურება“ შეესაბამება ხელშეკრულების 1.2 და მე-4 მუხლებში მითითებულ კრიტერიუმებს.

5.1.1. იმ შემთხვევაში, თუ „მიმწოდებელი“ ვერ უზრუნველყოფს წინამდებარე ხელშეკრულებით გათვალისწინებული 5.1 მუხლში მითითებული კრიტერიუმების შესაბამისი „მომსახურების“ გაწევას „შემსყიდველს“ უფლება აქვს დააკისროს „მიმწოდებელს“ შეუსრულებელი „მომსახურების“ ღირებულების ოდენობის პირგასამტეხლოს გადახდა, რაც „მიმწოდებელმა“ დაუყოვნებლივ, მაგრამ არაუგვიანეს 3 (სამი) კალენდარული დღისა („შემსყიდველის“ მიერ მისთვის („მიმწოდებლისთვის“) პირგასამტეხლოს დაკისრების თაობაზე წერილობითი შეტყობინების მიღების დღიდან) უნდა გადაიხადოს.

5.2. მხარეების მიერ ხელშეკრულების პირობების შეუსრულებლობა და/ან დარღვევა გამოიწვევს მათ პასუხისმგებლობას წინამდებარე ხელშეკრულებისა და მოქმედი კანონმდებლობით დადგენილი წესის შესაბამისად.

5.3. არაჯეროვანი „მომსახურების“ გაწევის შედეგად „შემსყიდველისთვის“, ან მესამე მხარისათვის მიყენებული ნებისმიერი ზიანის ანაზღაურება ეკისრება „მიმწოდებელს“.

5.4. მხარეს შეუძლია მოითხოვოს მეორე მხარის მიერ ნაკისრი ვალდებულებების შეუსრულებლობით ან არაჯეროვანი შესრულებით მისთვის მიყენებული ზიანის ანაზღაურება.

5.5. „მომსახურების“ გაწევის დაყოვნების შემთხვევაში „მიმწოდებელი“ ვალდებულია გადაუხადოს „შემსყიდველს“ პირგასამტეხლო ყოველ ვადაგადაცილებულ კალენდარულ დღეზე „მომსახურების“ საერთო ღირებულების 0.1%-ის ოდენობით. შემსყიდველი უფლებამოსილია ანგარიშსწორებისას მიმწოდებელს გამოუქვითოს პირგასამტეხლოს სახით მასზე დარიცხული თანხა.

5.6. „შემსყიდველის“ მიერ ანგარიშსწორების ვადის გადაცილების შემთხვევაში „მიმწოდებელს“ უფლება აქვს დააკისროს „შემსყიდველს“ პირგასამტეხლოს გადახდა ყოველ ვადაგადაცილებულ სამუშაო დღეზე გადაუხდელი თანხის 0.1%-ის ოდენობით.

5.7. „მიმწოდებლის“ მიერ პირგასამტეხლოს გადახდა, სამოქალაქო კოდექსით გათვალისწინებული შემთხვევების გარდა, არ ათავისუფლებს მას წინამდებარე ხელშეკრულებით ნაკისრი ვალდებულებების ჯეროვნად შესრულების მოვალეობისაგან.

6. მხარეთა პასუხისმგებლობისგან გათავისუფლება

6.1. მხარეები არ აგებენ პასუხს ვალდებულებათა სრული ან ნაწილობრივი შეუსრულებლობისათვის იმ შემთხვევაში, თუ აღნიშნული გამოწვეულია ფორს-მაჟორული გარემოებებით (მიწისძვრა, წყალდიდობა, სახელმწიფო გადატრიალება და სხვა გარემოებები, რომლებიც არ არიან დამოკიდებული მხარეებზე და ითვლებიან ფორს-მაჟორულ გარემოებებად).

6.2. მხარემ, რომელსაც შეექმნა ფორს-მაჟორული გარემოება დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ. წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისაგან.

6.3. წერილობით შეტყობინებაში მითითებული ფაქტები დადასტურებული უნდა იქნას კომპეტენტური ორგანოს მიერ. დადასტურება არ არის საჭირო, თუ აღნიშნული ფაქტები ცნობილია საზოგადოდ.

6.4. მხარეები ანახლებენ თავიანთი ვალდებულებების განხორციელებას ფორს-მაჟორული გარემოებების აღმოფხვრისთანავე.

7. ხელშეკრულების ინსპექტირების პირობები

7.1. „შემსყიდველს“ ან მის მიერ უფლებამოსილ პირს უფლება აქვს განახორციელონ „მომსახურების“ კონტროლი და/ან შეამოწმონ, სრულად არის თუ არა გაწეული „მომსახურება“.

7.2. „მიმწოდებლის“ მიერ ხელშეკრულებისა და მისი დანართების შესრულებაზე კონტროლს ახორციელებს „შემსყიდველის“ მიერ შექმნილი ინსპექტირების ჯგუფი.

7.3. ინსპექტირების ჯგუფის ფუნქციებია:

7.3.1. მომსახურების მოცულობის, ხარისხისა და ვადების წინადადებარე ხელშეკრულების მოთხოვნებთან შესაბამისობის დადგენის მიზნით სათანადო კონტროლისა და ზედამხედველობის განხორციელება;

7.3.2. წინამდებარე ხელშეკრულებით გათვალისწინებული ანგარიშსწორების პროცესის რეგულირება;

7.3.3. საჭიროების შემთხვევაში წინამდებარე ხელშეკრულების შესრულების მიმდინარეობის ამსახველი პერიოდული დოკუმენტაციის წარმოება და შენახვა;

7.3.4. წინამდებარე ხელშეკრულების ეფექტური შესრულების მიზნით სხვა უფლებამოსილების განხორციელება.

7.4. „მიმწოდებელი“ ვალდებულია საკუთარი რესურსით უზრუნველყოს ინსპექტირების ჯგუფი შემოწმების ჩატარებისთვის აუცილებელი პერსონალით, ტექნიკური საშუალებებითა და სხვა სამუშაო პირობებით.

7.5. ყოველი გამოვლენილი დეფექტის და/ან ნაკლის აღმოფხვრასთან და ინსპექტირებასთან დაკავშირებული ხარჯების ანაზღაურება ეკისრება “მიმწოდებელს”.

8. ხელშეკრულებაში ცვლილებების შეტანა

8.1. ხელშეკრულების მონაწილე არც ერთ მხარეს არ აქვს უფლება ცალმხრივად შეცვალოს ხელშეკრულების პირობები.

8.2. დაუშვებელია ხელშეკრულებაში იმგვარი ცვლილებების შეტანა, რომლის შედეგად შემსყიდველისათვის იზრდება ხელშეკრულების ღირებულება ან უარესდება ხელშეკრულების პირობები, გარდა სამოქალაქო კოდექსის 398-ე მუხლით დადგენილი შემთხვევებისა.

8.2.1. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

8.3 ხელშეკრულების პირობების ნებისმიერი ცვლილება უნდა გაფორმდეს წერილობითი ფორმით შეთანხმების სახით, რომელიც თან დაერთვება ხელშეკრულებას და ჩაითვლება მის განუყოფელ ნაწილად.

8.4. ხელშეკრულებაში შეტანილი ყველა ცვლილება იურიდიულ ძალას იძენს მხოლოდ მხარეთა მიერ მისი ხელმოწერის დღიდან.

9. ხელშეკრულების ძალაში შესვლა და მოქმედების ვადა

9.1. ხელშეკრულება ძალაში შედის მხარეთა მიერ მისი ხელმოწერის დღიდან და მოქმედებს ნაკისრი ვალდებულებების სრულ ამოწურვამდე.

9.2. ხელშეკრულების შესაბამისი მუხლები ძალაში რჩება, მხარეთა მიერ ნაკისრი ვალდებულებების სრულ ამოწურვამდე.

10. ხელშეკრულების შეწყვეტა

10.1. მხარეებს შეუძლიათ ურთიერთშეთანხმებით, ორმხრივად შეწყვიტონ წინამდებარე ხელშეკრულება მისი მოქმედების ნებისმიერ ეტაპზე.

10.2. ნებისმიერ მხარეს შეუძლია ცალმხრივად შეწყვიტოს ხელშეკრულება მეორე მხარისათვის წერილობითი შეტყობინების გაგზავნის საფუძველზე, იმ შემთხვევაში თუ:

ა. რომელიმე მხარემ მთლიანად ან ნაწილობრივ დაარღვია ამ ხელშეკრულების პირობა და არ/ვერ აღმოფხვრა აღნიშნული დარღვევა იმ ვადაში, რა ვადაც მითითებული იყო მეორე მხარის მიერ დარღვევის აღმოფხვრის შესახებ გაგზავნილ წერილობით მოთხოვნაში.

ბ. ხელშეკრულების ერთ-ერთი მხარე სისტემატიურად არღვევს წინამდებარე ხელშეკრულების პირობებს;

გ. სსკ 398-ე მუხლით გათვალისწინებულ შემთხვევაში.

10.3 შემსყიდველი უფლებამოსილია ცალმხრივად შეწყვიტოს წინამდებარე ხელშეკრულება მისი მოქმედების ნებისმიერ ეტაპზე. ხელშეკრულება წყვეტს მოქმედებას შემსყიდველის მიერ გაგზავნილ შეტყობინებაში მითითებული ვადის შესაბამისად.

11. დავების გადაწყვეტა, გამოყენებადი სამართალი

11.1. მხარეთა შორის წარმოშობილი ნებისმიერი დავა წყდება მხარეთა ურთიერთმოლაპარაკების გზით.

11.2. შეთანხმების მიუღწევლობის შემთხვევაში ყველა სადავო საკითხი წყდება საქართველოს სასამართლოში.

11.3. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

12. დასკვნითი დებულებები

12.1. ხელშეკრულება შედგენილია ქართულ ენაზე, თანაბარი იურიდიული ძალის მქონე 2 (ორ) ეგზემპლარად.

12.2. ხელშეკრულების ცალკეული მუხლის და/ან პუნქტის ბათილობა ან ძალადაკარგულად ცნობა არ ახდენს გავლენას მთლიანად ხელშეკრულების ან მისი დანართების ნამდვილობაზე.

12.3. ხელშეკრულების არც ერთ მხარეს არა აქვს უფლება მეორე მხარის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობები.

13. მხარეთა რეკვიზიტები და ხელმოწერები

დანართი №1 - საკონკურსო წინადადება

კონკურსანტის დასახელება_____

საკონკურსო წინადადების ფასი: _____ ლარი დღგ-ს გარეშე.

ამით ვადასტურებ, რომ მომსახურების გაწევას განვახორციელებ დანართი №2-ის (ტექნიკური დავალება) შესაბამისად.

ხელმოწერა, ბეჭედი _____ თარიღი _____

ტექნიკური დავალება

შესყიდვის ობიექტი:

ს.ს „საქართველოს ნავთობისა და გაზის კორპორაცია“

ქ. თბილისში, კახეთის გზადკვეცილი N21

მისაღები ოთახის (reception) დიზაინისა და

საპროექტო-სახარჯთაღრიცხვო დოკუმენტაციის მომზადება

სამუშაოების ჩატარების ტექნიკური პირობები:

ჩასატარებელია შემდეგი სახის სამუშაოები:

I ეტაპი:

- აზომვითი სამუშაოები (ლაზერით);
- ტიხრების გეგმარება (ავეჯის ჩვენებით, ორგანოზომილებიანი);
- ინტერიერის ესკიზის შეთანხმება დამკვეთთან (ვიზუალიზაცია 3D-ში რეალური ფერებით და მასალებით);
- ნახაზების მომზადება ალბომის სახით, (სრული ნახაზები - ელექტრობა, გათბობა, იატაკი, ჭერი ავეჯი და ა.შ.);
- ჩასატარებელი სამუშაოების ხარჯთაღრიცხვა;
- უკვე ჩატარებული სამუშაოების გათვალისწინება.

II ეტაპი (მიმწოდებელი ვალდებულია, შემსყიდველის მოთხოვნის შემთხვევაში, საკუთარი ხარჯებით განახორციელოს ქვემოთ მოცემული სამუშაოები შემსყიდველთან შეთანხმებულ ვადებში):

- სარემონტო მასალების შერჩევა (მაღაზიებში და საწარმოებში კონსულტაცია);
- სარემონტო სამუშაოების განმავლობაში საავტორო ზედამხედველობა;

შენიშვნა: შემსყიდველი იტოვებს უფლებას, საჭიროების შემთხვევაში შეიტანოს ცვლილებები მოწონებულ პროექტში. აღნიშნული ცვლილებები ავტორმა უსასყიდლოდ უნდა ასახოს დიზაინისა და საპროექტო-სახარჯთაღრიცხვო დოკუმენტაციაში.

დანართი №3 - ინფორმაცია გამოცდილების შესახებ

№	პროექტის დასახელება	დამკვეთი	პროექტის ღირებულება	შესრულების ვადები	დამკვეთის რეკვიზიტები

დანართი №4 - რეკვიზიტების ფორმა

რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

მომსახურე ბანკის დასახელება:

ბანკის კოდი:

ანგარიშის ნომერი:

ხელმოწერა, ბეჭედი ----- თარიღი -----